

Ng'é xranchi tsu'en distrito electora' nūnde Sítjuvǎ.

Jnguǐ nūndē Sítjuvǎ, kēén chūjni chúvaá tsiz'e sen' ti chūjni chunda xra', sen' toón nd'ia kū vand'ée j'ena níchja sen'. Nch'on tsiz'e chujni yān, yā ndá t'in democracia representativa kū nixín tichje'ya, ti Poder Ejecutivo, ti Poder Legislativo kū ti Poder Judicial. Ti Poder Legislativo yā ti noón tjóo sen' kū nch'endate sen' fātet'uéen nūndēeni; yā ti noón tjuchīnasen' diputado' kū senado'. Sen' diputado' yā ti sen' níchja sen' vand'ée jngu jngu chāsēen ngajin Congreso de la Unión kū chūjni yān ní ní nánú yā ínaá tsāanga.

Ngax'en jngu democracia xranchi ti siín Sítjuvǎ, ti fātiz'e jngu jngu chūjni lā nij'ú tjitde. Vā tjingonni tsinge'eni yātin nch'on tsāanga sen' diputado', jnguǐ nūndē yā tsjéxín tichje'ya yā chúvaá tsu'en fātsiz'e, ti nūndē lā nij'ú tichje'ya yā nij'ú chūjni tsuchúnda. Yānchi, jngu jngu diputado' tsitoón nd'íee nij'ú kje'en chūjni. Jngu jngu nūndē tichje'ya yā ndá t'in distrito electora', jnguǐ nūndē íchá nchín, íjngu nūndē niso distrito' íchá jíe, masin yā lā kēén nij'ú chūjni rugúnda tsuchúnda.

Ti Constitución Política de los Estados Unidos Mexicanos yā ndáru ti jnguǐ nūnd'ēeni yā lā chúnda 300 distrito', kū jngu jngu distrito' yā tsiz'e'na jngu diputado' federa'. Ní'xinnchi fātet'uéen niso Constitución Política vand'ée jngu jngu estado yā ndáru kjé'en diputado loca' tsiz'e'na ti xranchi kjé'en distrito' electora' siín.

¿Ng'é yā jngu distrito electora'?

Jngu distrito electora' yā jngu nūndē ti tize'na yā ngax'en nij'ú tichje'ya kēén chūjni niso chāsen ti siín jnguǐ nūndē Sítjuvǎ niso jngu jngu estado, yānchi tangí'ya tsāanga ti sen' diputado' ndát'in “de mayoría relativa”, yānchi jngu jngu diputado ti tsiz'e'na chúvaá toon nd'ia kū tsjingijna nij'ú kjé'en chūjni. 'āēīōū'z

¿Ng'é yā ti distritación electora'?

Yā jngu xr'ée ti Instituto Nacional Electoral (INE), ti rugúnda yā ndá chúvaá tsichje'ya nūndē kū sinch'esen' distrito electora' jnguǐ nūndē Sítjuvǎ niso jngu jngu estado.

¿Ng'é xranchi tsunde'eni?

Yānchi íchá jína tsjichje'ya chūjni ti siín jngu jngu distrito electora', táan ti sen' diputado chúvaá tsutoonsen' kēén chūjni jngu jngu chāsen, yānchi ní'xin tsingesen' chúvaá tsikisen' vot'uéeni jngu jnguni vā nij'é tjitde.


¿Ng'é xra' rugúnda ti distritación electora'?

Rugúnda sinch'esen' ti distritación vā jngureén xraxíngí kjé'en chūjni chúnda jngu jngu chāsen. Kēén nch'on t'uná kū t'én chūjni, ijnguna ndá xraxingi nchīyā nd'uana yātin nch'on tāsinga nánú jnguǐ distrito chúnda vaya chūjni kū ijngu kēén'yon, yā

ndá je'ya nij'é chūjni chūnda jngu jngu distrito electora'. Yātin rugúnda tsuts'esen' á chaxín nij'ú chūjni chūnda jngu jngu distrito, náa n'ē táan nij'ú tsuchje'ya.

¿Ng'é xranchi tsu'en jngu jngu distritación?

Nch'on nch'endátesen' ti distrito electora' tsuts'esen' á chaxín jngu jngu distrito chūnda nij'é chūjni, tsuts'esen' ngax'en distrito tsang'é jnguí municipio, ti nūnd'ée distrito nch'on tsichje'ya tsuts'exín xranchi jngu nū ti chūnda kanoónvi nanguée, ti chūjni siín ngax'en chaxín tjóova'jnasen', ndá tsikisen' tsaga, jna' nda'jié... kū ni'xin nch'on tsichje'ya nūndē ndá rútsang'echu jngu jngu municipio ti noón siín chūjni chá'an, yānchi chuvaá úchusen' sinch'esen' xr'éesen'.



¿Sá tsu'en ku xranchi tsu'en ti distritación?

Ti nánú 2016 kú 2017 ti INE sinch'e ti distritación jnguí nunde Sítjuvá kú ni'xin sinch'e distritación ngax'en ti estado Baja California Sur, Campeche, Colima, Chiapas, Ciudad de México, Guanajuato, Guerrero, Jalisco, México, Michoacán, Morelos, Nuevo León, Querétaro, San Luis Potosí, Sonora, Tabasco kú Yucatán.

Ngax'en jngu jngu estado tsuchīnana yānchi ti INE chúvaá tsaguxín xr'ée vand'ée distritación electora' tsuchuxin sen' toón nd'íee chūjni chá'ān, sen' vand'ée jngu jngu partido político, sen' tet'uan jngu jngu estado ku municipio, sen' diputado loca', sen' yaa xra' electora' vand'ée jngu jngu chasenni ku jnguí nundeni, nixinnchi ndáruchuxin keén chujni.

Nch'on sinch'esen' xra' vand'ée distritación ti nunde ti noón siín chāsen chá'ān, ti INE s'oxin tsjachangi jngu jngu chāsen chá'ān táan tsun'uen ng'é xranchi xraxon chūjni ng'é xranchi'í íchá jína tsichje'ya chūjni ngax'en jngu jngu distrito electora', ni'xinnchi tsuchuxinsen' ng'é chāsen tsang'é ti kjá distrito ti ritse' jngu jngu chāsen.

¿Ng'é xru sinche xra'?

Vand'ée foro informativo sinch'e sen' xra' ti sen' toón nd'ia partido político, ti sen' yaa xra' estado kú municipio, ti sen' diputado loca', ti sen' yaa xra' electora' vand'ée jngu jngu estado kú jnguí nūnd'eni, ti chūjni chá'an kú keén chūjni chúvaá sinch'euna xra'.

¿Sá kũ ng'é xranchi tsu'en ti fātjāchangi?

Je'ya yoó tsuchīnasen' tsjóo'usen' chūjni chāsen sinona ni'xin tsuchīna'usen' ti sen' yaa xra' ti sen' toon nd'iya chāsen chá'ān jngu jngu estado. Nch'on tsuchīna chūjni tsjóova'jnana ng'é xranchi tsichje'ya jngu jngu chāsen chá'ān ngax'en distrito electora', ti INE sinch'en'uen chūjni keén ti rugúnda tsuchúxinna táan chúvaá tsudáruna ng'é xraxonna vand'ée xra' ti tjingonsen' sinch'esen' yaa xra' electora'.

Sátejá ti sen' yaa xra' ti sen' toon nd'iyée chāsen chá'ān tsuru'ngasen' ti INE ng'é vits'esen', yā sinch'e'uxisen' ti jngu jngu Junta loca' kũ vand'ée distrito ngax'en jngu jngu estado. Nch'on ndá fáte júnych'esen' ti distribución electora' ti júnych'e'uxisen' ti fātjāchangi jngu jngu chāsen chá'ān, ti INE sinch'en'uen keén chūjni ti distribución electoral local tjúvé kũ sátejá ínaá sinch'esen' nij'e ndiya xra' táan tsang'é ti tjúvé distribución federa'.

Ti chúvaá tsu'en ti fātjāchangi ndá t'in Consulta a los Pueblos y Comunidades Indígenas, ti INE yā tsingijn'e ti Instituto Nacional de Lenguas Indígenas (INALI), kũ ni'xin tsingijna' ti Comisión Nacional para el Desarrollo de los Pueblos Indígenas (CDI).

¿Ng'é xru sinch'e xr'ée fātjāchangi?

Keén chāsen chá'an sinche'u xra' ti sen' yaa xra' ku sen' toon nd'iya jngu jngu chāsen.

¡Tsājāchangia! náa keénni sinch'eni xra', nūnd'eni íchá jína. ¡Ráviaa!